

OKÉ TAKE AWAY

**NOS SPECIAL
DEC. 13**

746-3571



**BRIYANDO FUERTE • TRECIENDO CLARIDAD
DIARAZON 13 DECEMBER 2023**

**MINISTER
ENDY CROES
A ANUNCIA CU
PARADERA LO
HAYA UN SCOL
SECUNDARIO**



WWW.SOLODIPUEBLO.COM



SOLODIPUEBLO@GMAIL.COM


DOS PRIMA A MURI DEN E BIAHE CLANDESTINO PA ARUBA; NAN TA DI CUMARAGUAS

Den un lamentabel suceso, María Virginia Martínez Álvarez, di 21 año, y Alexandra Lugo, di 19 año, primanan residente di Cumaraguas, a perde nan bida den un tragico biahe clandestino pa Aruba. Tur dos mucha muher ta laga un yiu muher atras.


Segun El Paraguano Informativa, esaki tabata e prome biaha cu e primanan a haci e biahe aki den

secreto. E comunidad local ta consterna pa e noticia y fuentenan serca ta revela cu e biahe tambe a tuma bida di un homber residente di El Vínculo, Municipio Falcon, kende su nomber ainda ta desconoci.


Manera Solo di Pueblo a informa, a localisa 6 curpa sin bida. Y posiblemente 5 a subi tera mei anochi y 2 otro tambe a yega tera.



MITA CURPA HAYA NA BOCA TURTUGA, PARKE NACIONAL ARIKOK



PRUEBA PALPABEL TA DESMENTI DECLARACION DI VAN HUFFELEN RIBA CONDICONNAN PA LAFT



OPOSICION A VOTA CONTRA VARIOS PROYECTO CLAVE; E.O. SCOL NOBO DI MAVO NA PARADERA



HUSTICIA VENEZOLANO A HABRI INVESIGACION CONTRA PROMOTORNAN DI ROMEO SANTOS PA ABUSO COMETI




CAMBIO DEN PRIJS DI PRODUCTIONAN PETROLERO 13 DECEMBER 2023

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 13 december 2023:

Gasoline unleaded-premium	: 237,7 cen p/ltr. (- 10,9 cen)
Diesel LS	: 227,2 cen p/ltr. (- 20,6 cen)
Kerosin	: 216,5 cen p/ltr. (- 9,4 cen)

E prijsnan ta inclui BBO/BAZV/BAVP



MINISTER THIJSSEN A REUNI CU DEPARTAMENTO DI ENSEÑANSA

Den Haag – Minister Plenipotenciario mr. Ady Thijsen den cuadro di su bishita di trabao na Aruba a reuni cu Departamento di Enseñansa (DEA).

Akinan Minister Thijsen a wordo ricibi door di director di DEA Annemarie Proveyer-Groot y tambe Sheila

Maduro. Durante e reunion a papia riba diferente asunto y puntonan den cual Gabinete di Minister Plenipotenciario di Aruba na Hulanda lo por hunga un rol importante y por brinda sosten unda ta nesesario.

Nota pa redaccion: E potret ta cortesía di Arubahuis



ANUNCIO PUBLICO CENTRO DI BARIO NOORD

Recientemente Centro di Bario Noord a zorg pa haya e permiso y corriente pa por decora e rotonde serca di Misa di Noord.

Ta hasi un llamada na e dushi Pueblo di Noord si por coopera conjuntamente manera un Famia, cu luz, adorno y creatividad pa hasi e rotonde bunita. Anja pasa a haya e 3 kerstboomnan di Setar regalo nos ta masha agredeci.

E luznan a tosta y danja



awo nos mester hoopi luz pa e kerstboomnan duna brillo. E dia cu nos lo traha riba e rotonde lo ta Diahuebs 14 di December

2023 pa 8.30 di anochi. Manera un bon ciudadano, bini, jega y contribui pa hasi nos Bario di Noord Unicoooooo!!!!

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Orario di Servicio dia 14 december 2023

En conexion cu un reunion obligatorio pa su empleadonan, Banco Central di Aruba ta informa cu e lo ta sera pa publico dia **14 december 2023** entre **11'or y mei di mainta pa 3'or di atardi**.

Aruba, 13 december 2023
Banco Central di Aruba

HUSTICIA VENEZOLANO A HABRI INVESIGACION CONTRA PROMOTORNAN DI ROMEO SANTOS PA ABUSO COMETI

Romeo a keda sinta den avion na Venezuela te ora cu el'a wordo paga

Ministerio Publico (MP) di Venezuela a anuncia un investigacion riba Panteras Entertainment y Global Tickets relaciona cu e problemanan cu a surgi durante e concierto di Romeo Santos. E artista a keda sinta den avion na aeropuerto di Maiquetía, ya cu e no a ricibi e pago segun acuerdo pa su presentacion, y e instrumentonan necesario ainda no a yega na e lugar di e evento.

A sali na cla cu Juan Carlos Araujo Duran, posibel responsabel di e productora, ta detene actualmente. Araujo Duran tabata doño di Solid Show y tin antecedente, siendo captura na 2015 na Republica Dominicana

cu un aeronave cu tabata transporta mas di 400 kg di cocaina.

Apesar di su reclusion, Juan Carlos Araujo Duran ta keda vincula na e organizacion di eventonan for di prizon.

Autoridadnan lo sigui investiga pa clarifica e detayenan y determina cualkier responsabilidad den e incidente aki cu a genera controversia den e area di entretenimento.

Procurador General di Venezuela a informa:

AHOR @MinpublicoVEN #designa #Fiscalía 24 Nacional, para #Investigar y #Sancionar irregularidades cometidas por la empresa PANTERAS ENTERTAINMEN y GLOBAL BOLETOSVZLA quienes con medios capaces para delinquir:

agraviaron y abusaron de la buena fe de la #fanaticada del cantante @RomeoSantos en el concierto que se celebró la madrugada del #11Dic en la ciudad de Caracas.

Las pesquisas iniciales identificaron que el presunto #responsable de la organización del #concierto es Juan Carlos Araujo Duran, quien está #detenido y #enjuiciado por ser el dueño de una aeronave capturada con 459 kilos de #Cocaina en el 2015 en República Dominicana: Dicho hampón fungió también en su momento como dueño y presidente de la empresa de eventos Solid Chow usada para legitimar capitales del #narcotráfico.

Dicho sujeto, estando #preso y con la complicidad interna de



su lugar de reclusión: también habría #estafado a los organizadores del Concierto de #Anuel @Anuel_2bleA #celebrado el pasado mes de marzo a través de la empresa LIVE VIP.

El Grupo de Delincuencia Organizada con el que Juan Carlos Araujo Duran, operaba para #estafar incluye al Director del centro de reclusión en el que se encuentra detenido: Argenis Guerra, quien ya se encuentra privado de

libertad por hechos de #CORRUPCIÓN: por lo que los #Fiscales encargados de la investigación le sumaran esta pluralidad de delitos para aumentar su #condena.

El Ministerio Público como #medida preventiva solicitará de forma inmediata la prohibición de enajenar y gravar, así como la inmovilización de todos los activos: de las empresas investigadas por estos delictivos hechos.

PRUEBA PALPABEL TA DESMENTI DECLARACION DI VAN HUFFELEN RIBA CONDICIONNAN PA LAFT

Prueba palpabel a ser presenta den parlamento di Aruba dialuna atardi cu ta contradici declaracionnan cu secretario di Estado Alexandra Van Huffelen a haci den un noticia local.

Contrario na loke Van Huffelen a bisa, awor ta sali na cla cu no tabata Aruba a añadi tres condicion di ultimo ora, sino ta Departamento di BZK cu ta resorta directamente bao di Van Huffelen.

E hechonan aki ta muestra un falta di control of, mas ainda, posiblemente mal informacion intencional diparti Van Huffelen. E situacion a dal un buelta, lagando den duda e integridad di

e declaracionnan cu e secretaria di Estado a haci.

Nos ta spera cu e medionan local, cu ta tene entrevistanan diario cu Van Huffelen por tin e curashi di confronta Van Huffelen cu e falsedadnan aki (atrobe!). E comunidad ta merece transparencia y honestidad den asuntunan asina critico manera e ley di LAFT.

E carta cu ta sirbi como prueba palpabel a wordo poni ter inzage di parlamento, mientras Promer Minister a elabora riba dje extensamente den parlamento. Promer minister a menciona tur 3 condicion y con nan a atende cu cada punto. 1) Con Minister di



finansas ta tuma e consehonan di CAFT na consideracion. 2) Acuerdo cu CAFT riba personeelslasten norm 3) PPP projecten;

Algun siman pasa Van Huffelen a haci mescos, duna declaracionnan cu despues ta resulta den falsedad. Esaki ta di cuater mentira den menos cu tres luna cu ta keda aclara.

POR CUMINSA ENTREGA “VERZOEK VERMINDERING LOON” DI AÑA 2024

Un empleado por ricibi mas placa den su man cada bes cu e cobra su salario



Departamento di Impuesto (DIMP) ta participa cu por cuminsa entrega e peticion “Verzoek vermindering loon” di aña 2024. Esaki ta conta pa tur persona cu ta un empleado. E empleado ta haci un peticion na Departamento di Impuesto, pa e por paga menos loonbelasting via su salario.

Salario anual di empleado

Na comienso di aña of ora un empleado drenta den servicio, e doño di trabou tin cu calcula su salario anual (zuiver voljaarsloon). A base di e salario anual, e doño di trabou ta calcula cuanto loonbelasting e empleado mester paga den un aña. Normalmente e doño di trabou no ta tene cuenta cu e gastonan personal di e empleado. Sinembargo, un empleado tin e oportunidad pa haci un peticion pa reduci su salario anual cu e gastonan personal. Di e forma aki e empleado ta paga menos loonbelasting y asina ricibi mas placa den su man cada bes cu e cobra su salario durante aña.

E condicionnan

Tin condicionnan valido ora ta desea di haya

reduccion di e salario anual. E empleado lo por bin na remarca ora e y/of su casa tin gasto di interes di por ehempel un fianza personal y/of hipoteca. Tambe ta posibel pa haci peticion si e empleado y/of su casa ta pagando un fianza pa estudio. No ta consehabel pa pidi reduccion di e salario anual, si e empleado y/of su casa tin otro entradanan cu no ta salario.

Alabes e siguiente condicionnan ta aplicabel:

-

E empleado a entrega e declaracion di inkomstenbelasting 2022.

- E empleado y/of su casa no tin debe di impuesto of tin un arreglo di pago pa debe di impuesto.

- Si e empleado y/of su casa tin propiedad inmobil (p.e. un cas), e propiedad aki mester ta registra pa grondbelasting.

Haci un peticion

Pa reduci e salario anual, e empleado mester haci un peticion na Departamento di Impuesto. Esaki no ta obligatorio. E peticion yama “Verzoek vermindering loon” y e formulario ta disponibel riba impuesto.aw. Mester yena y firma e peticion y agrega e comprobante manera informacion di salario y otro entradanan, carta di interes di banco of otro

instituto financiero. Ora e documentonan ta cla, ta haci un scan di nan tur pa por entrega e peticion den forma digital. Riba e pagina principal di impuesto.aw, ta click riba “Digitale formulieren”, despues scoge “Vermindering loon” y sigui e instruccionnan. Mester remarca cu no ta posibel pa entrega e peticion den forma di hardcopy.

Decision di Inspector

Inspector di impuesto lo controla e documentonan y tuma un decision pa medio di un “beschikking”. E empleado lo ricibi e “beschikking” y lo entrega esaki na su doño di trabou, kende lo ehecuta esaki den su payroll. Reduccion di salario anual NO ta nifica cu e empleado ta bay ricibi menos salario. E ta nifica cu e empleado lo bay paga menos loonbelasting durante aña 2024 y asina ricibi un suma poco mas halto den su man cada bes cu e cobra su salario.

Pa informacion mas detaya, por consulta e website di Departamento di Impuesto Vermindering loon | Departamento di Impuesto Gerencia di Departamento di Impuesto 12 di december 2023

MINISTER THIJSSEN A BISHITA EPI

Den Haag – Minister Plenipotenciario mr. Ady Thijsen den cuadro di su bishita di trabao na Aruba a haci un bishita na EPI. Akinan e mandatario a reuni cu director di EPI Ankie Danker. Tambe presente diparti di EPI tabata Andres Geerman, miembro di Managementteam, Randy Tromp unitmanager suplente S&S y Zoraida Godoy cu ta manager Studentenzaken.

Banda di tabata un bishita di cortesía, a toca diferente asunto y puntonan den cual Gabinete di Minister Plenipotenciario di Aruba na Hulanda lo por hunga un rol importante y por brinda sosten unda ta nesesario.

Nota pa redaccion: E potret ta cortesía di Arubahuis



CAMBIA PERSPECTIVA TOCANTE OBESIDAD:

SA BO NUMBER Y MIDI BO PESO



MINISTER ENDY CROES A ANUNCIA CU PARADERA LO HAYA UN SCOL SECUNDARIO

A stipula 6.7 miyon florin pa construi un edificio completamente nobo pa Juliana School.



Dialuna ultimo, Minister di Enseñansa y Deporte Endy Croes a anuncia den Parlamento di Aruba cu Paradera lo haya un scol secundario. Ta trata di Juliana School, cual a stipula 6.7 miyon florin pa construi un edificio completamente nobo. Manera ta conoci, Juliana School no tabata den bon condicion y bou di maneho di otro gobierno e scol a cera na aña 2016. E team di Juliana School mester a muda den un otro edificio cu no ta apropiada pa e alumnonan haya les.

Minister Endy Croes a indica cu desde aña pasa a traha un plan pa e proyecto di construcion di Juliana School, pero tabata sperando e fondonan necesario. Durante e reunion di Presupuesto Supletorio 2023, Minister Endy Croes a indica cu danki na e Surplus a haya e fondo necesario pa construi Juliana School y lo inicia cu e proyecto di construcion durante e prome lunanan di aña 2024. Minister Endy Croes a reuni cu e staf di Juliana School pa involucra nan den e proyecto y trece nan peticionnan dilanti.

Durante e reunion Juliana School a opta pa haya un scol completamente innovativo y di e forma aki a diseña e scol. Cu esaki ta cumpliendo cu recomendacion 3 di Doorlichting van het Arubaanse Onderwijsbestel, cual ta indica cu mester tin un infraestructura adecuada pa nos enseñansa. E mandatario di Enseñansa ta gradici Gabinete Wever-Croes II cu a traha hopi duro pa pone

fondo disponibel pa e proyecto di construcion di Juliana School. Pa finalisa, Minister Endy Croes a enfatisa cu e no a causa e problemanan den enseñansa, pero e ta solucionando nan si.

STATE OF THE ART *Implant* TECHNOLOGY

FREE CONSULTATION

+297 585 3255
+297 592 9398

**WE ARE LOCATED AT
PIEDRA PLAT 98**

Minister Endy Croes:

GRUPO DI PROGRAMA 60+, HUNTO NOS TA VENCE ENBEHECIMENTO DI FUNDACION PLAN DI BIDA TA CELEBRA E FINAL DI PROGRAMA DI AÑA 2023



Recientemente, Fundacion Movimento ta Bida hunto cu nan grupo di programa 60+ Hunto nos ta vence enbehecimento, a celebra e final di e programa di aña 2023. Minister di Enseñansa y Deporte Endy Croes a asisti na e celebracion cu a tuma luga na Renaissance Convention Center pa saluda nos grandinan.

Den e ocasion special aki, tabatin diferente grupo y

artista cu a entrene esnan presente.

Un bunita mainta, unda cu nos adultonan mayor a pasa un momento ameno. Fundacion Movimento ta Bida a inicia cu e proyecto aki di 60+ shete (7) aña atras, unda cu e gruponan ta reuni dos bes pa siman pa haci actividad fisico, baile terapia y ehercicio.

Tambe nan ta haci obra di man, tin lectura y ta

sali hunto. Fundacion Movimento ta Bida tin un total di 7 grupo di 60+ den diferente barrio di Aruba, entre otro, Paradera, Piedra Plat, Dakota y Santa Cruz. Pa finalisa, Minister Endy Croes ta felicita Sr. Harold Croes y team di Fundacion Movimento ta Bida pa e tremendo proyecto aki y ta gradici nan pa e gran trabou cu nan ta haciendo pa nos grandinan.

MITA CURPA HAYA NA BOCA TURTUGA, PARKE NACIONAL ARIKOK

Riba diamars mainta, personal di Parke Nacional Arikok a encontra mita curpa labando na superficie di Boca Turtuga.

Posiblemente ta otro victima mas di e boto cu a bolter y cu por tabatin entre 13 cu 17 persona abordo.

Informe cu Solo di Pueblo tin ta bisa cu te cu ayera a haya 6 curpa y agregando esun di awe ta bira e di 7 curpa.

Kustwacht no a emiti ainda un comunicado oficial.

E noticianan aki ta wordo sigui cu hopi dolor y conmocion tanto na Venezuela y na Aruba pa famianan y amistadnan.



Parlamentario Ricky Hoek (MEP):

ARUBA TA SIGUI CUMPLI CU E STANDARDNAN PRESUPUESTARIO

Gobierno ta haya pluimpje pa e Presupuesto Supletorio 2023

, Aruba 12 december 2023: Parlamentario Ricky Hoek di Fraccion di MEP ta indica c'un siman nobo ta habri caminda Parlamento di Aruba a trata y aproba e Ley di Presupuesto Supletorio 2023.

Tanto e documentonan di e ley, contestacion di e preguntanan di banda di gobierno y e Najaarsnota 2023 a keda entrega na Parlamento di Aruba. A base di e documentonan aki a haci preguntanan, duna comentario y sugerencia na Gobierno di Aruba.

Un proceso bon encamina

Tanto e ministernan y tambe e profesionalnan di cada departamento, a ehecuta un trabou sublime y a encamina un proceso extenso pa concipia e Presupuesto Supletorio 2023 y e Najaarsnota 2023. Siguiendo e proceso aki, a hiba nos na un bon resultado di un surplus financiero di mas cu 1.9% di nos GDP. Mas den e di dos parti di aña 2023, gobierno a nota cu tin 3 'meevaller' (ganashi inespera).

Den caso cu gobierno encontra un 'meevaller' den su presupuesto, mester atende cu e suma aki segun e protocol di 2018, caminda ta indica cu 50% mester bay pa pago adicional pa reduci e debe di pais y 50% ta bay pa financiamiento di inversion adicional. E tres 'meevaller-nan' ta encera: a) interes di bono halto na un suma di Afl. 3.2 miyon, b) maneho di inversion y reenforza den DIMAS pa medio di retributies, leges en rechten na un suma di Afl. 2.9 miyon y c) un ganashi adicional di Aruba Airport Authority N.V. na un suma di Afl. 8.5 miyon.

E sumanan di e meevaller-nan aki mas e surplus di 1.9% ta yega na un total di Afl. 58.8 miyon adicional riba e presupuesto di pais Aruba. Di e suma grandi aki, Afl. 29.4 miyon lo bay na inversionnan pa Pais Aruba. E inversionnan ta wordo scogi a base di un lista di prioridad cu e Comision di Evaluacion di Inversion ta stipula.



Conseho positivo di CAft

Conforme articulo 10 di e Landsverordening Aruba financieel toezicht (LAft) gobierno a pidi un conseho riba e cambionan presupuestario y e Najaarsnota 2023 na CAft. E 'sentencia' di CAft ta positivo y ta bisa cu 'Aruba ta sigui cumpli cu e standarnan

presupuestario'.

E prome punto ta menciona cu Aruba ta cumpli cu e rekisito di tin un presupuesto cu un surplus di 1%. E di dos punto ta bisa cu e meta pa tin un quota di saldo di 70% di e GDP pa aña 2027 ta factibel. Na di tres luga ta bisa cu Aruba ta cumpli na e personeelslastennorm. Por ultimo, cu pa medio di e Najaarsnota por constata cu Aruba ta mantene su mes na e reglanan di 'budgetdiscipline' (disciplina presupuestario).

Ta un hecho historico cu Aruba ta presenta un presupuesto cu un surplus di 1.9% y caminda Gabinete Wever-Croes II ta demostra di ta traha na un finanzas sostenibel y saludabel pa pais Aruba.

Tanto Gobierno di Aruba y e profesionalnan financiero merece un 'pluimpje' pa e excelente trabou cu nan ta bin ta ehecuta desde 2021, Parlamentario Hoek a expresa.

Parlamentario Alvin Molina (MEP): Aruba ainda no ta unda mester ta **PARLAMENTO DI ARUBA A TRATA PRESUPUESTO SUPLETORIO 2023**

Aruba no ta unda e mester ta, ainda tin pobresa, criminalidad, "bullying" na scol y trabou y e situacion social falta pa ta saludabel. Nos tur ta desea un aparato gubernamental unda cu tur departamento ta brinda un servicio optimal. Nos tur ta desea pa nos muchanan por crece den un ambiente sano y sigur y cu tin cuminda riba mesa. Nos tur ta desea un Aruba sin sushedad riba caya, cu placa ta yega pa cumpra comestibel den

supermercado y cu tur ciudadano por haya e oportunidad pa eleva nan nivel social/economico. Nos tur mester sigui traha hunto pa logra esakinan.

Di otro banda, mirando e abismo (teribel) di unda nos ta bin y e situacion ideal cu nos kier logra, ta bon pa nos realisa cu tin progreso. Kisas e progreso no ta bay mes lihe cu nos ta desea of cu pueblo kier mira. Sigur e proceso pa sali for di e situacion

horibel aki no ta uno facil. E ta rekeri trabou duro y sacrificio.

Pa mi, como Parlamentario ta importante pa mira cu nos ta saliendo for di e abismo y cu tin progreso. Ta responsabilidad di Gobierno di Aruba pa percura cu tin progreso y ta nos trabou como Parlamento pa dialoga cu gobierno tocante e progreso y unda mester di adaptacion. Nos por mira cu tur minister a

demostra cu tin progreso den e cartera cu ta resorta bou di nan. Den e dianan nos dilanti nos lo reuni extensivamente riba presupuesto 2024, unda cu lo trata e maneho di cada ministerio pa aña entrante.

Pa conclui, e presupuesto supletorio ta resultado di e bon maneho di e gobierno aki. Cerando aña 2023 mi ta gradici e ministernan di Gabinete Wever - Croes II y e profesionalnan pa nan trabou duro, vision y



colaboracion.

AHATA A HABRI DIALOGO CONSTRUCTIVO TOCANTE E EXPECTATIVANAN LABORAL DI "GEN Z"



Aruba Hotel & Tourism Association (AHATA) a organisa un panel di estudiante titula "Expectativanan di Trabou" durante nan asamblea general. E panel ta e prome iniciativa di e asociacion pa habri un dialogo constructivo y mehora e comprension entre dunado di trabou y e generacion di trahado nobo.

E panel, modera pa Rosabelle Illes, Psicologo y Assistant Professor na Universidad di Aruba, a consisti di studiantenan di hospitalidad di Colegio EPI y Universidad di Aruba, ken a drenta den dialogo hunto cu representantenan di dunado di trabou for di Marriott Aruba y ECO Destination Management Services. E dialogo a enfoca riba e expectativanan y

condicionnan cu "Gen Z" tin di pa nan futuro trabou y tambe nan motivacion y aspiracion pa nan carera.

Miembronan di AHATA a muestra gran interes den e panel, y tambe a participa activamente cu preguntanan pa e hoben panelistanan. E panel a brinda perspectivanan valioso pa dunadonan di trabou como tambe pa e studiantenan, asina contribuyendo na e comprension necesario pa mantene un ambiente laboral productivo y armonioso pa tur.

E inicitiva aki no solamente ta yuda crea un comprension mas profundo entre generacionnan, pero tambe ta crea e fundeshi necesario pa sigui desaroya



y mehora e panorama laboral den e industria di hospitalidad. Asina brindando un colaboracion prospero pa sigui reforsa e exito di nos industria turistico.

AHATA ta extende gratitud na studiantenan Kevin Illes y Arantxa Erasmus di Colegio EPI, y Thaïtia Schenker y Timothy Fowler di Universidad di

Aruba pa nan contribucion valioso. Tambe un danki na Maureen Every, Managing Director di ECO DMS, Ruthline Theysen, Complex Director di Human Resources di Marriott Aruba y Raoul Lemmerling, Complex General Manager di Marriott Aruba pa comparti nan perspectiva y experiencia den e panel.

OPOSICION A VOTA CONTRA VARIOS PROYECTO CLAVE; E.O. SCOL NOBO DI MAVO NA PARADERA

E reciente reunion di presupuesto supletorio na Aruba, cu a termina dialuna anochi den parlamento, unda miembronan di oposicion a vota contra varios proyecto beneficoso pa nos pais.

E oponentenan principal di e beneficiar ta e fraccion di AVP y Mike Eman, hunto cu e fraccion di MAS y Marisol Tromp, Gerlien Croes y Rycond Santos totalizando. Nan voto “contra” ta un rechazo directo di proyectonan cu ta destina pa mehora varios aspecto importante pa e ciudadanonan y promove progreso den diferente area.

Proyectonan Rechasa:

Oposicion a vota contra di e construccion di un scol nobo di Mavo na Paradera cu lo bira e cas nobo Juliana School, un proyecto

di sumo importancia. Minister Endy Croes a splica e plan aki den parlamento, unda actualmente nan ta haya les na algun local na veld di Britannia. Cu nan voto contra, nan a laga e distrito di Paradera cay.

E proposicion pa traha un post nobo di brandweer a wordo rechaza, poniendo preguntanan serio riba nan vision di seguridad pa comunidad.

Ademas, nan a oponer pa asigna fondonan pa trahadornan di SABA, lagando asina e trahadornan di cas di cuido cay.

Impacto riba bienestar :

E voto contra e proyectonan positivo aki ta wordo considera un atentado significativo riba bienestar di pueblo di Aruba.

E rechasonan aki, aparentemente



motiva pa motibonan politico partidista of simplemente un postura negativo, tin un solo meta, esta pa stroba gobierno pa avansa cu proyectonan esencial pa desaroyo

E capricho di vota “contra” di presupuesto supletorio ta muestra riba necesidad pa politiconan supera e diferencianan politico na

fabor di progreso y prosperidad di Aruba. Na un momento crucial pa tuma decision, e pregunta ta: e isla por haya un oposicion mas constructivo pa por avansa pa un futuro mas positivo y colaborativo?

Na final coalicion a brasa y apropa s proyectonan aki.

Parlamentario Shailiny Tromp-Lee (MEP): AVP KIER SIGUI TUMA PUEBLO HACI

Durante tratamiento di Presupuesto Supletorio un biaha mas AVP kier urgi Gobierno pa tuma accionnan popular pasobra nan sa cu nan ta crea simpatia di pueblo. Realidad ta cu ora nan tabata na mando pa 8 aña consecutivo nan mes no a haci esakinan debidamente. Contrario na Gabinete Wever-Croes cu si a bin, no obstante e retonan financiero y tur e problemanan door di e pandemia, ta crea un balans entre un maneho financiero sostenibel responsabel y pone e hende central. Cu no ta nada facil ta un hecho pero ningun momento ta perde e balans aki for di bista. Nos tur lo

kier pa cosnan tuma lugar mas lihe, lastimamente e desaster financiero laga atras pa Mike Eman y e debenan cu mester a haci pa maneha e pandemia y brinda alivio ta haci cu esaki no ta posibel. Debenan di Mike Eman nos ta caba di paga te dia cu mi persona ta cumpli 70 aña, esta na aña 2044.

Ta un lastima cu na un manera hopi simplistico AVP ta keda sugeri sin mas pa aumenta bijstand, reparatietoeslag y salario minimo. AVP ta haci manera cu no tin procesonan pa keda encamina y ley pa cumpli cu nan. No ta asina facil manera ta keda sugeri.

Como ehempel por menciona salario minimo cu su aumento y proceso ta ancla den ley, esta tin regla y condicionnan. No obstante esaki ta bon pa enfatisa cu compara cu partido AVP, cu semper a maneha den tempo di bonansa, partido MEP a aumenta e salario minimo na mas ocasion cu AVP y pa sumanan total mas cu tabata e caso bou di maneho di AVP. Pasobra ta bon pa pueblo realisa cu durante e 8 añanan, 2009-2017, cu AVP tabata den gobierno nan a hisa e salario minimo total cu solamente Afl. 134,70. Anto esaki mientras nan tabata conoce e realidad di nos hende y famianan e



tempo ey. Esaki contrario cu MEP cu di 2002-2009 a aumenta e salario minimo cu Afl. 431,15 en total y di 2018 pa awor Gabinete Wever-Croes 1 y 2 den 6 aña di tempo ya a aumenta

e minimumloon cu Afl. 182,25. Esaki ta mas cu AVP a duna esnan mas vulnerabel den 8 aña di tempo.

Ta cu ki cara AVP kier bin papia awe di salario minimo y otro medio pa yuda pueblo manera reparatietoeslag cu pa ta concreto MEP a hisa recientemente. Pueblo sea critico y no laga AVP tuma boso haci.

Papia bunita a para bira e ‘trademark’ di Mike Eman y AVP. Pasobra nos tur sa cu loke sigur nan falta ta curashi y determinacion, sin lubida e habilidad pa maneha su pueblo responsablemente.

Clientenan di restaurant a haya nan cuenta exagera y no kier a paga



Diadomingo anochi a drenta informe di cu despues di a come clientenan no kier paga e cuenta di restaurant, mesora a dirigi un patruya na e sitio. Na yegada di e patruya a bin compronde cu un grupo di turista for di Curaçao despues di a come a la grandi a haya e cuenta exagera y no kier a paga e



suma. Polis a interveni y a splica e clientenan cu nan a ser cobra locual nan a consumi. E grupo a admiti di a pidi tur eseynan y a

compronde cu ta esey ta e suma cu nan mester paga.

Nan a paga e cuenta y e asunto a keda resolvi.

Gritamento y tiramento di boter na Companashi



Dialuna madrugada a drenta informe di cu tin un persona gritando y tirando boter riba caminda den Celsiusstraat, mesora a dirigi un patruya na e sitio.

Na yegada di e patruya a topa cu un homber bao influencia cu ta bisa cu tin un ladron den su cura patras, polis a bay cun'e



patras pero no a haya ningun hende. Polis a nota e ciudadano bao influencia

y a bis'e cu ora e ta bon bij pa e bay recherche pa entrega keho.

Comision di Retiro ta baha cu vacacion

ORANJESTAD - Director di Departamento di Labor y Investigacion ta ricibi conseho di Comision di Retiro cu ta delibera ariba tur peticion di retiro entrega na Departamento di Labor y Investigacion pa un of mas dunado di trabao cu e meta pa por ricibi un permiso pa termina un relacion di trabao cu un of mas trahado. Un

comision independiente cu ta consisti di representantes di organizacion di dunado di trabao y representantes di e mundo di sindicato (Artikel 3 Landsverordening Beëindiging Arbeidsovereenkomsten). Na tur cliente di Departamento di Labor y Investigacion cu tin caso relaciona cu e permiso aki, ta anuncia cu e Comision di Retiro ta

bay cu vacacion di 14 di december 2023 te 09 di januari 2024. Tur peticion pa por termina un relacion di trabou ta keda den proceso. Casonan cu ta rekeri pa bay Comision di Retiro y cu ta pendiente di e proceso di contradeci (verweerproces) lo mester tene cuenta cu un retraso den esaki. Januari 2024 ta entrega tur caso pendiente na Comision di Retiro.



		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9

Homber a bay cas di ex cu intencion pa mat'e, polis a lucha varios minuut pa domine!



Dialuna mainta tempran a drenta informe di cu un homber a bay na cas di e ex cu intencion pa mat'e

pero e dama a logra core sali bati alarma, mesora a dirigi un patruya na e cas. Na yegada di e patruya

ningun hende a sali un rato despues e sospechoso a aparece y mesora polisnan a bay riba dje pa detene pero e lo tabata bao influencia di un of otro substancia y a resisti su detencion te hasta na un momento e oficialnan a pidi refuerso pero asina mes a sigi lucha pa pone na boei y a logra. Asina mes polis tabata tin un hardtime cun'e. Manera e vehiculo di transporte a yega a pon'e den dje y a



hib'e warda di polis. Na un momento dado cu e ex a aparece e sospechoso

a bolbe menase cu asina cube sali e lo bolbe p'e.

Autoridadnan ta encontra curpanan sin bida panort di Aruba

Ayera marduga Wardacosta a haya un notificacion di Cuerpo Policial di Aruba cu personanan indocumenta a logra subi tera den area di Vader Piet. E dos personanan cu a duna e declaracion na un persona local, a indica cu nan a bini cu un lancha, pero esaki lo mester a bolter riba lama.

Mesora Wardacosta a saca unidat di tera pa bai tira un bista den e area. Na yegada na e area panort di Aruba e agentenan di Wardacosta a detecta dos curpa sin bida den lama. A entrega e dos curpanan di hende muher sin bida na Cuerpo Policial di Aruba.

Despues di esaki Cuerpo Policial di Aruba a dirigi nan helicopter y Wardacosta tambe a dirigi su patruyan di tera pa sigi cu e buscada pa mira si ta encontra mas persona. Durante e buscada ayera durante di dia a mira un curpa mas sin

bida riba lama, pero no a logra saca e curpa aki for di lama.

Ayera, dialuna den oranan di anochi e helicopter di Wardacosta a saca un curpa di hende homber sin bida

for di lama na parti nort di Aruba den e caso ariba menciona.

Awe, diamars parti mainta a bolbe haya un curpa sin bida den lama. Autoridadnan a logra saca e curpa y a entrega e na Cuerpo Policial di Aruba pa por sigi cu e investigacion den e caso aki. Di e ultimo curpa sin bida no tin informacion di e sexo. En total a haya entre ayera y awe 4 curpa sin bida riba lama.



Mercado di Pasco na Playa Pabao

Playa Pabao – Directiva di Centro di Bario Playa Pabao ta anuncia su ultimo actividad pa e aña aki. Ta trata aki di un Mercado di Pasco combina un bunita show di Pasco. Na e Mercado lo participa mas di 15 vendor e.o. Danie, The Crocheting Cat, Sassy Aruba, Mafela, The Sticher Lady, Nonnas Pica, Little Things y Eco Living Aruba.

Pues esaki ta un bon oportunidad pa cumpra bo regalo di Pasco pa un ser keri, famia of colega.

Tambe lo tin show di grupo di gaita, grupo di baile di Centro di Bario Playa Pabao y solistanan local. E actividad aki lo tuma luga na Centro di Bario Playa Pabao, diasabra 16 di di December cuminta 6'or pm y termina pa 10'or pm. Lo tin un bar y cushina bon sorti cu e special di dia "xmas platter" cu e tradicional ham di pasco. Pues pa bo drenta den ambiente di Pasco y fin di aña nos ta wardabo na nos Centro.

ORACION DI DIA

Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz

manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro. Amen.

Coder Dojo cla pa 2024



Biblioteca ta gradici e energia, entusiasmo y bol-
team di Coder Dojo pa nan untad pa siña
comunidad code. Nan ta
na biblioteca fiel, cada 2




siman, pa laga mucha y hoben experimenta riba computer. Directora Astrid Britten a regala e team dinamico un par di buki pa mucha. Tur produccion di biblioteca. Awe e muchanan ta den nan ultimo sesion pa 2023 na biblioteca na Playa y diahuebs awor e muchanan di San Nicolas ta na turno. E proyecto ta na encargo di Full Stack Foundation di Bruce Harms y Thanya Croes. Full Stack Vision Foundation ta traha cu boluntario cu ta fungi como mentor pa percura cu cada mucha ta haya e atencion y guia cu e mester. Mayornan interesa pa nan yiu join por lesa mas via <https://arucoderdojo.org/> of raspberrypi.org

Polis a duna un dama chauffeur burachi prome cu ela bay pa stuur un lift pa su cas



Diadomingo anochi dilanti un bar polis atento a wak un dama burachi bayendo pa su auto ta tambalea, mesora a para baha atende y a nota cu e dama ta bao influencia y a ofrece un lift y laga su auto eynan ya cu e no ta den condicion pa stuur. Na prome instante e dama no tabata kier pero despues a compronde cu ta su mesun bon y di otronan tambe pa e no trese trafico na peligro y a acepta mihor e lift ci bay sera!

**PRONOSTICO DI TEMPO**

VALIDO TE DIARANSON 13 DI DECEMBER 2023, 18:00 ORA

TEMPO:
AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO BREVE
POTENCIAL DI AWACERO PA PROXIMO 24 ORA:

1 PA 5 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA;

BASTA FUERTE TE FUERTE, POSIBLEMENTE DURO DEN RAFAGA;

TEMPERATURA (GRADO CELSIUS) MAX / MIN LO TA: 31 / 27

Minister Maduro di Finansa durante tratamento di e Segundo Cambio di Presupuesto 2023 den Parlamento:

PRESUPUESTO 2023 TIN UN RESULTADO FINANCIERO MAS POSITIVO DEBI NA E RECUPERACION ECONOMICO FUERTE CU TURISMO A TRECE PA ARUBA

Parlamento di Aruba a trata e Segundo Cambio di Presupuesto 2023 den cual tin un resultado financiero cu ta mas positivo cu a premira. Despues di hopi aña Aruba ta conoce un presupuesto cu tin un surplus y na final di aña 2023 por raporta cu Presupuesto 2023 tin un surplus aun mas halto, debi na e recuperacion economico fuerte cu turismo a trece pa Aruba. Na comienso di aña a premira cu Presupuesto 2023 lo conta cu un surplus di 1% di nos GDP. Sinembargo ya




na momento cu a haci e prome cambianan den Presupuesto 2023 na september, por a ripara cu e surplus lo bira mas halto y a yega 1,3% di nos GDP na e momento eyan. Awo na fin di aña 2023, nos por constata

den e Segundo Cambio di Presupuesto 2023, cu e surplus ta aun mas halto y ta yega na 1,9% di nos GDP. E surplus mas halto aki den Presupuesto 2023, ta e resultado financiero di tres factor.

Na prome lugá, un efecto di agio como resultado di e ultimo bononan cu Gobierno a emití. Na di dos lugá, a haya mas entrada di belasting debi na e crecemento economico impulsa pa un turismo creciente na nos Pais. Na di tres lugá, un extra dividendo di AAA cu ta e resultado di un aña record den yegada di turista na nos Pais. Manera customber, oposicion ta bruha tera bisando cu ta medida a percura pa un situacion di surplus den Presupuesto 2023. Sinembargo si nan cana rond, nan mes por

ripara cu Aruba su economia ta bayendo bon debi na e tantísimo turista cu ta bishita nos Pais. Poco dia mes, AAA a raporta cu nan tabata tin un aña record di turista cu a haci uzo di nos airport. E informacion aki banda di e raportnan di Banco Central di Aruba y di Fondo Monetario Internacional IMF cu ta menciona con fuerte e crecemento den turismo ta na Aruba, ta prueba palpabel cu turismo creciente ta e forza principal tras di e resultado financiero mas positivo den Presupuesto 2023.

Adicto a wordo maltrata, e tawata sclama di dolor



Caya G.F.Betico Croes - Dialuna anochi algo pasa di 9'or un adicto ambulante lo a yega altura di un kiosk den Centro di Ciudad. E homber tawata sclamando di dolor.

E la conta hende cu e la wordo bati y cu e tin hopi dolor.

Mesora a avisa polis. Na yegada polisnan a haci e

adicto algun pregunta, manera kiko a pasa. E la bisa cu den area aparentemente di Renaissance e la bay drumi den un auto.

Segun su version e tawata tin soño y debi cu e auto tawata habri e la subi aden, sin sa kiko tawata sper'e.

Doño di e auto lo a hay'e y bay over na usa forza bruto, door di bati'e.

E tawata keha di hopi dolor na su ribchinan parti robes y por a mira cu e la ricibi un golpi fuerte na su wowo drechi, cu tawata "tapa".



la subi ambulance.

Dado momento e la cuminsa scupi sanger, un posibel indicacion di un golpi duro paden. Ambulance a wordo solicitada y na yegada Paramediconan a cana cu ne te ora e

Polis a puntr'e si e lo bay entrega un keho y e la contesta cu si. E persona aki un tempo a yega di representa Aruba den exterior, den coremento.

Motociclista a bay dal tras di auto cay otro banda di caminda lora bek ora auto contrario tabata bini!



Dialuna atardi a drenta informe di un accidente cu hende herida dilanti Botoca Santa Anna, mesora a dirigi tanto polis como ambulans na e sitio.

Na yegada di e patruya a

bin compronde cu un motociclista bayendo pariba no a regula su velocidad ni a mantene distancia a bay dal na e skina robes tras di e Toyota Rav4 su dilanti y ela cay na e otro banda di caminda ora cu diripiente

ela nota cu trafico contrario ta bini riba dje ela lora bin bek na e banda drechi di caminda e auto a pasa riba su helm y petchi cu a keda otro banda di caminda. Debi na e caida e motoci-



clista a resulta levemente herida na yegada di e ambulans nan a atende y transporte pa hospital.

Polis a detene chauffeur burachi na Palm Beach




Diadomingo anochi polis nan a para un chauffeur coriendo malo riba caminda na Palm Beach, mesora a para e vehiculo aki y a test e chauffeur y a constata cu e ta hopi burachi casi no por a para riba su pianan. Polis a detene y a hib'e na warda di polis.



Polis a kita yabi auto y laga chauffeur burachi yama su amigo DIDI pa busk'e

Diadomingo anochi polis atento a nota un auto coriendo malo den area di Tanki Leendert y a para e chauffeur. Polis a pone supla pa test y esaki a pasa net un tiki riba e limite permiti di alcohol den

curpa, pero como e tabata tranquil y hopi respetuoso polis a kita su yabi auto y bis'e pa e yama un amigo pa bin bisk'e y mayan ora e ta bon bek e por pasa busca su yabi auto na warda di polis



Motociclista a bay dal tras di auto cay otro banda di caminda lora bek ora auto contrario tabata bini!



Dialuna atardi a drenta informe di un accidente cu hende herida dilanti Botoca Santa Anna, mesora a dirigi tanto polis como ambulans na e sitio.

Na yegada di e patruya a

bin compronde cu un motociclista bayendo pariba no a regula su velocidad ni a mantene distancia a bay dal na e skina robes tras di e Toyota Rav4 su dilanti y ela cay na e otro banda di caminda ora cu diripiente

ela nota cu trafico contrario ta bini riba dje ela lora bin bek na e banda drechi di caminda e auto a pasa riba su helm y petchi cu a keda otro banda di caminda. Debi na e caida e motoci-



clista a resulta levemente herida na yegada di e ambulans nan a atende y transporte pa hospital.

Polis a detene chauffeur burachi na Palm Beach




Diadomingo anochi polis nan a para un chauffeur coriendo malo riba caminda na Palm Beach, mesora a para e vehiculo aki y a test e chauffeur y a constata cu e ta hopi burachi casi no por a para riba su pianan. Polis a detene y a hib'e na warda di polis.



Polis a kita yabi auto y laga chauffeur burachi yama su amigo DIDI pa busk'e

Diadomingo anochi polis atento a nota un auto coriendo malo den area di Tanki Leendert y a para e chauffeur. Polis a pone supla pa test y esaki a pasa net un tiki riba e limite permiti di alcohol den

curpa, pero como e tabata tranquil y hopi respetuoso polis a kita su yabi auto y bis'e pa e yama un amigo pa bin bisk'e y mayan ora e ta bon bek e por pasa busca su yabi auto na warda di polis



FORTALEZA PA FAMILIA Scirbi pa Pastor Marcel Balootje BAN PAPIA POSITIVO Y PROCLAMA E PALABRA DI DIOS

Papia malo di hende no ta un hobby,
E ta un mal custumber,
Ofende hende sin tin mester,
Kibra hende pa motibo di envidia,
Pone hende na suela djis pasobra nan a triunfa,
Usa hende su pasado, of su foutnan pa asina purba rebahe den bista di hende,
Ripiti cada rato cu e persona lo no logra, no ta bini di Dios..
Tur esey ta sali for di un curason yena cu orguyo, arogancia, y malicia, pasobra pa bo haci un hende malo bo mes mester ta malo, pasobra tur locual ta maldad ta sali for di curason di hende.
No ta cumbini ningun hende bira hacido di mal respondi pa otro hende, si un hende mester bisa bo pa perhudica un otro persona, bise den su cara bo mes bay hacie. No tuma su amargura riba bo.
Boluntad di Dios ta, pa nos stima nos prohimo manera nos mes, y Dios ta prohibi nos di bay den nos mes pasado of den pasado di otronan bisando:
No recorda e cosnan di antes, ni keda pensa riba cosnan cu a pasa caba.
Mira mi ta bay haci algo nobo, awor esaki ta bay sali na cla, boso no ta ripara esey?
Lo Mi traha un caretera den tera seco ruinan den desierto. (Isaias 43:18-19).
Palabranan agradabel ta manera panal di miel, dushi pa alma y curamento pa weso (Proverbionan 16:24),
Kita for di bo un boca engañoso, y tene lipnan perverso leu for di bo. (Proverbionan 4:24)
Ta ken ta e hende cu ta desea, y ta stima bida largo, pa e por mira bondad.
Warda bo lenga di maldad y bo lipnan di papia engaño. (Salmo 34:12-13).
No paga malo cu malo of insulto cu insulto, ma mas bien dunando un bendicion, pasobra boso a

wordo yama pa e proposito aki pa boso por hereda un bendicion. (1 Pedro 3:9-10).
Dios ta yama nos pa proclama Su palabra, pasobra proclamando palabra di Dios nos ta trece sanacion, liberacion, reconciliacion den bida di hende. Nos ta bisando e mundo con grandi Dios ta, con Poderoso nos Dios ta, con Bondadoso Dios ta y su Misericordia ta pa semper.
E grandesa di nos Dios ta incomparable, Dios nunca ta yega laat, semper ta na tempo, y Dios no ta lubida riba nos petitionnan semper e ta contesta.
Pesey nos mester predica e palabra, y sea prepara na tempo y for di tempo, spierta reprende y exhorta cu hopi pasenshi y instruccion. (1 Timoteo 4:2-5).
Ta bon pa nos siña nos yuinan pa papia bon di otro, papia bon di nan famia, papia bon di tur hende cu nan conoce, y evita di papia malo di hende cu nan no conoce. Siña nan con pa warda nan curason for di rabia y falta di perdon.
Ora nos haci esey nos mes ta psicologo di nos yui, pasobra sin nos sa nos ta dunando terapia di positivismo, cual nos ta haci nos yuinan integro y cu bon katakter.
Mas limpi y puro curason di un hoben por ta, mas mihor su karakter lo ta y tambe su comunicacion cu Dios, Awor ta e tempo pa nos uni papia y positivo, y duna otro bon consejo, pasobra positivismo ta trece crecimiento den tur area di nos bida, desea otro bon, y bondad lo abunda pa bo, menos bo critica, y menos bo murmura, mas lihe lo bo pasa den bo prueba, pasobra Dios ta wak bo curason.
Laga nos husa e autoridad cu Dios a duna nos y sigi papia positivo y proclama e bondad di Dios tur caminda.

Polis a para y detene chauffeur di edad burachi coriendo banda robes di caminda



Diadomingo anochi a drenta informe di cu tin un chauffeur corien banda robes di caminda poniendo autonan baha for di caminda na Tanki Leendert rumbo rotonde di Paradera, mesora polis a dirigi patruyanan na e sitio pa para e chauffeur aki prome cu e causa un accidente.

E unidadnan motorisa cu tabata cerca a logra para e chauffeur na Paradera. Polisnan a test e chauffeur y a constata cu e ta bao influencia y a detene. Cu e vehiculo di transporte a hib'e na warda di polis.

Clasificados



SOLODIPUEBLO@GMAIL.COM
CEL.585 9500

